

四庫全書

子部

欽定四庫全書

子部

海錄碎事卷十一下

詳校官中書臣李彤

侍讀臣孫球覆勘

總校官進士臣繆琪

校對官中書臣王璣

謄錄監生臣施銳

欽定四庫全書

海錄碎事卷十下

宋 葉庭珪 撰

明堂門

帝禋

明堂奉帝禋

王禹玉

邃帳清壇

邃帳留飄御清壇墮月津

明慶成王禹玉

陽館

殷人謂明堂曰陽館

尸子

宗廟門

宗祏

說文曰宗廟之木主曰祏又凡廟之主藏於戶外北牖  
下有石函故名宗祏

擎虞要訣

木主

五經要義木主之狀四方穿中央以達四方天子長尺  
二寸諸侯長尺皆刻謚於其背

烟室

烟室藏神主之室也

通典

宗祊

受命宗祊精貫朝日

社稷門

國家附

金甌

梁武帝曰我國家猶若金甌無一傷缺

原廟

惠帝思高祖之樂沛以沛宮為高祖之原廟注原再也既已立廟今又再立故謂之原廟

官稷

王莽言漢興已有官社未有官稷遂於官社後官稷

求遺書門

周官五篇

漢武帝時有李氏得周官五篇闕冬官一篇河間獻王千金購之不能得遂取考工以補其闕

史臣車

傳聞訪遺事應走史臣車注司馬遷少嘗乘傳求四方

諸侯遺事

王禹玉和史院開局

放失

網羅天下放失舊文言放棄亡失之文也

馬遷書

陳農

陳農所未究河間所未稱漢書成帝時以書頗散亡遣  
謁者陳農求遺書於天下河間獻王德從人得善書必

為好寫與之留其真加金帛賜以招之由是或有先祖  
舊書多奉以奏獻王者故得書多與漢朝等

任彥升

勤政門

仁政附

傳籤

陳文帝起自布衣知民間疾苦每難人伺漏傳籤於殿  
中者令投於階石上鎗然有聲云吾雖得眠亦令驚覺  
其自強如此

日聽

齊王封田嬰為郭靖君。嬰言於王曰：「五官之計不可不  
日聽而數覽也。」王從之已而厭之，悉以委郭靖君。由是  
得專齊之權。

遊意太平

陛下遊意於太平，勞精於政事。

張敞傳

寸陰

禹不重徑尺之璧而愛日寸陰。

帝王世紀

損膳省寢

宣帝詔曰今歲不登其令太官捐膳省宰

孤獨園

梁普通二年詔置孤獨園以恤孤幼

具明廢寢

具明廢寢具畢忘餐具及也

王元長詩序

納隍

陸贊奏議聖人之於天下也人有不得其所者若已納  
之於隍又曰當軫納隍之慮

中興門

司隸舊章

司隸舊章見之者隕涕蓋用見漢官儀事也

九區

九區反政七廟寧謚

漢朝則

復覩東都輝重見漢朝則陳琳詩

王塗

金華山人集  
卷十一  
九十一  
天步初夷王塗尚阻

治平門

夷世

夷世不可逢平世也

鮑明遠詩

登三在運

登三在運畫一成歌

四六集

鬱搖

武王克殷之後民乃大安酌酒鬱搖注鬱搖喜貌

出藝

文類聚

偃革為軒

殷事已畢偃革為軒倒載干戈示不復用言偃武備而

治禮樂也

張良傳

日行上道

袁充奏隋興以來日景漸長京房云太平日行上道升平行次道霸世行下道

重熙累盛

至於帝皇遂重熙而累盛東都賦云至於永平之際遂  
重熙而累洽也

景福殿賦

### 興王之軌

興王之軌既接泰階之平可升

褚白馬賦

### 天驥呈才

漢道興而天驥呈才魏德懋而澤馬效質

同上

### 九區率順

暨明命之初基鑿九區而率順

同上

同文共規

削平天下同文共規

恨賦

五緯不愆

五緯不愆六氣無易

補亡詩

文化內輯

文化內輯武功外悠遠也

同上

九區克咸

九區克咸咸和也

陸士龍詩

函夏無塵

函夏無塵海外有謐

同上

吹萬

在宥天下理吹萬羣方悅

偃閑武術

偃閑武術闡揚文令術道也

顏廷年詩

擊壤歌

論衡堯時百姓無事有五十之民擊壤於塗觀者曰大

哉堯之德也擊壤者曰吾日出而作日入而息鑿井而飲耕田而食堯何力於我也

濟須臾

龐眉耆耆之老咸愛惜朝夕願濟須臾觀大化之淳流

四子講德論

旌旗仆

旌旗仆甲士寢同上

人識廉隅

人識廉隅家知禮讓

陸佐公石闕銘

日漸長

開皇十九年十一月有司言元年以來日漸長

魚豎讓陸

耕父推畔魚豎讓陸

七命

六合時邕

六合時邕和也

七命

開泰

遲覩人神開泰之路

九野清泰

九野清泰八方中央也

孫子荆書

畧緯

畧緯昭應山瀆效靈

顏延年詩序

賴莖素毳

賴莖素毳并柯共穗之瑞史不絕書棧山航海踰沙軼

漢之貢府無虛月

同前

五戎不距

五戎不距四方無拂

王元長詩序

偃革辭軒

偃革辭軒銷金罷刃辭軒者去兵車也

同前

紫脫華

紫脫華朱英秀注禮斗威儀曰人君乘土而王其政太平而遠方之神獻其朱英紫脫宋均注曰紫脫北方之物

物

雲潤星輝

雲潤星輝風揚月至

月至風揚

含文嘉曰朋友有舊內外有差則箕為之直月至風揚  
月至者不失度也

踐八九

踐八九之遐迹邁三五而不追注七十二君為八九已

上並王元長詩序

協氣橫流

協氣橫流武節森逝封禪文

餘糧棲畝

餘糧棲畝牛馬被野晉紀總論

外閭

外閭不閉同上

帝學門

讀書左右

梁元帝性愛書籍既患目多不自執卷置讀書左右番  
次上直晝夜為常夜中五人各伺一更常至達曉

夜分乃寐

光武性嗜書每觀書至夜分乃寐

何苦穿鑿

唐文宗讀施士勣春秋曰學者讀書如浚井得美水足  
矣何苦穿鑿

乙夜觀書

唐文皇帝每視朝後即閱羣書嘗曰若不甲夜視事乙夜觀書何以為人君也

皇覽

魏文帝使諸儒撰經傳隨類相從千餘篇號皇覽

七耀

蘇味道應制聖酒千鍾滿神章七耀懸

天藻

蘇味道侍宴厚眷綉天藻深慈解御衣

七夕詩

梁武詔任昉曰卿為七夕詩五韻殊不近詠歌卿雖訥  
於言而辨於才可即制付使者任昉升啟

漢四世

漢在四世魏稱三祖言皆有文章也同前

恭儉門

衣三浣

唐肅宗性節儉嘗出袖示近臣曰此衣三浣矣

翡翠不裂

翡翠不裂，瑩瑣不簇，音簇謂不毀裂其羽，不义簇其體。

東京賦

土事不飾

土事不飾，木功不彫，言尚節儉也。

羽獵賦

斲雕為朴

光武中興，斲雕為朴。

范蔚宗皇后紀論

一冠三載

梁武帝日止一食惟豆羹糲飯而已身衣布衣木綿皂帳一冠三載一被二年

日止一食

見上

瓦器蜂盤

陳武帝性尚素儉私饗曲宴皆瓦器蜂盤

用人門

畧細過不用儒附

雞子

苟變常為吏賦於民而食人二雞子衛侯不用子思曰

今君選爪牙之士而以二卵棄干城之將此不可使聞於鄰國也

史記

數尺朽

杞梓連抱而有數尺之朽良匠不棄

萬里思愆

齊帝謂劉祥曰原卿性命令卿萬里思愆

衣飾

王符潛夫論曰今貢士必覈其實其有小疵勿強衣飾

謂裝飾以成其過

門品

李冲對孝文曰陛下今日何為專崇門品不有拔才之詔

有方幅

宜選忠良宿德有方幅者

積薪

汲黯見上言曰陛下用羣臣如積薪耳後來者居上黯

罷上曰人果不可以無學觀汲黯之言日其甚矣

疵細瑕

論大功者不錄小過舉大美者不疵細瑕

家丞秋實

陸韓卿詩春華與秋實庶子及家丞注魏志邢顥字子  
昂為平原侯植家丞無所屈撓由是不合庶子劉楨書  
諫植曰家丞邢顥北士之彥今楨禮遇殊特顥反踈簡  
私懼觀者將謂君侯習近不肖禮賢不足采庶子之春

華忘家丞之秋實

坐知千里

光武命將坐知千里 任彥升奏

赦罪責功

赦罪責功棄瑕錄用丘希範書

天下之選

朝廷任職之臣皆天下之選

杜恕疏

談書

江祐薦明山賓明帝不重學謂祐曰聞山賓談書不輒  
何堪官耶遂不用

求賢門

設虞

策秀才文或揚旌求士或設虞待賢注禹治天下以五  
聲為銘於虞曰教我以道者擊鼓以義擊鐘以事振鐸  
語以憂擊磬語以獄揮鞞

一目羅

文子曰得鳥者羅之非一日今為一日羅無可得鳥

弓旌

奚在弱冠首應弓旌注天子招引賢良使使持弓旌以為信

歌碩鼠

說苑甯戚飯牛康衢擊車輻而歌碩鼠桓公得之而霸

累千金

古語黃金累千不如一賢

遲直士

肅宗詔朕思遲直士注遲猶希望

一人半

石勒陷襄陽得釋道安及習鑿齒習蹇疾勒與諸鎮書曰晉氏平吳利在二陸今破漢南獲士裁一人有半耳

玄處先生

蒙遜平酒泉得劉延明拜秘書郎專管注記纂陸沉觀於西苑專往謁焉

魚鱗雜襲

天下之士雲合霧集魚鱗雜集飄至風起雜襲雜沓也  
蒯通傳

二八升

二八升而唐堯盛謂十六相袁彥伯序

狐腋

千金之裘非一狐之腋大廈之材非一丘之木太平之功非一人之畧四子講德論

前席

上問鬼神之本誼具道所以然之故至夜半文帝前席  
賈誼傳

春林葩

邦彥應運興粲若春林葩  
陸士衡詩

納諫門

拒諫附

謗木

應劭曰謗木今橋梁兩邊板是也古人以書政治得失

白獸樽

晉志元旦設白獸樽於殿上若能獻直言則發樽飲酒

盡下

方當隆寬廣問寢直盡下之時

劉輔傳

養忠

同姓近臣本以言顯其於治親養忠之義誠不宜幽囚

於掖庭獄

同上

精銳銷灭

陛下進用輔丞而折傷之暴人有懼心精銳銷喪莫敢

盡節正言同上

逆耳倒心

呂氏春秋至忠逆于耳倒于心非賢主孰能聽之注倒

亦逆也

納履

夫士貧賤者言不用行不合則納履而去耳

惇史

魏帝詔曰乞言納諫著在惇史

奢侈門

無愁天子

北齊幼主高緯騎恣為無愁之曲時號無愁天子

楚艷漢侈

楚艷漢侈流弊不還

粘雨

晉武於樓上以酒灑塵名粘雨拾遺記

鷹師

煬帝徵天下鷹師悉集東京至者萬餘人

州造佛圖

靈太后銳於興繕在京師則起永寧太上公等佛寺外  
州各造五級佛圖百姓疲於土木之功金銀之價為湧

金蓮

東昏鑿金為蓮花帖地潘妃行其上曰此步步生蓮華

也

窮泰極侈

歷十二之延祚故窮泰而極侈

西都賦

夏癸殷辛

夏癸之瑤臺殷辛之瓊室

東京賦

暴虐門

天杖

周宣帝對臣下自稱為天每捶人皆以百二十為度名曰天杖

微反唇

大農顏異為人告事下張湯治異與客語初令下有不便者異不應微反唇奏異腹非論死自是有腹非法

刑經聖制

周宣帝性殘忍廣刑書要制而更峻其法謂之刑經聖制

辟穀車

周宣帝又作辟穀車以威婦人

恒常醉

後周宣帝酣飲過度有下士楊文祐因歌曰朝亦醉暮亦醉日日恒常醉政事日無次帝怒賜杖死

夾指壓踝

北齊文宣帝酷暴有司折獄皆酷法訊囚則有車輻拱杖夾指壓踝又立之燒犁耳上或使以臂貫燒車缸既不勝其苦皆致誣服

牛飲

辛紂暴虐懸肉成林精醪為沼使男女裸體相逐於其間伏詣酒池中牛飲者三千餘人

嚴霜夏零

梁毗上封事言楊素云忤意者嚴霜夏零阿旨者膏雨冬澍榮枯由其唇吻廢興候其指麾

利嘴長距

秦政利嘴長距終得擅場

東京賦

築怨

劇蒙公之疲民為強秦乎築怨

北征賦

暴三殤

力政吞九鼎  
背恩暴三殤

謝宣遠詩

百姓恠忪

百姓恠忪無所措

其手足忪周容反四子講德論

炮烙

史記紂為炮烙之刑

識記門

童謡附

當塗高

周舒字叔布學術於楊厚人有問春秋識曰代漢者當塗高何也舒曰當塗高者魏也

班蘭耳

吳中童謠云黃金車班蘭耳開昌門出天子後孫權即帝位三國志

火酣酣

梁天監中寶誌為詩曰昔年三十八今年八十三四中

復有四城北火酣酣後應同泰寺灾三十八帝尅建鄴  
之年遇灾歲實八十三四月十四日火灾

使虜奴

齊師至秣陵陳霸先擊敗之虜其將帥蕭軌等四十八人先是童謠云虜萬夫入五湖城南酒家使虜奴是時以賞俘酒者一人裁得一醉

無際畔

後主起齊雲觀國人歌曰齊雲觀冠來無際畔

武昌魚

孫皓欲徙都武昌童謠言寧飲建業水不食武昌魚

綿袞秘記

後漢楊春卿善圖讖臨終戒其子曰吾綿袞中有先祖  
秘記為漢家用爾其修之

三羊五馬

五代童謠曰三羊五馬馬子離羣羊子無舍後淮南荆

南國祚應之

錦里遊

西蜀有尼造補鬢香油本州進之宮中謂之錦里遊乃幸蜀之識

止戈龍

上元初寇天師嘗言止戈龍意為武后也宣室志

歛沙歛玉

王東游於黃澤宿於曲洛時人語曰黃之地其馬歛沙  
皇人威儀黃之澤其馬歛玉皇人壽穀穆天子傳

槐街

符堅時隴人歌曰長安大街兩邊樹槐下走朱輪上有

鸞栖

殿棘

石季龍大饗羣臣於大武殿佛圖澄曰殿乎殿乎棘子  
成林將壞人衣季龍發下石果有棘生

石虎截頭

石虎山在長沙縣俗云能食廩粟昔長沙王吳芮時倉

廩耗少截其頭童謠云長沙置市五穀生石虎截頭倉

廩盈出湘中記

赤精子

成帝時齊人甘忠可詐造天官厯包元太平經以言漢家逢天地之大終當更受命於天天帝使真人赤精子下教我此道

魚登日

魯宗之與司馬休之同舉兵嘗有讖曰魚登日輔帝室

戰敗為宋武帝所殺

兩頭然

慕容熙初立有童謡曰一束藁兩頭然禿頭小兒來滅  
燕後為慕容雲所滅雲本姓高父小字禿頭藁子上草  
下禾兩頭然則禾草盡乃高字

黃頭小人

王恭在京口百姓間忽云黃頭小人欲作亂賴得金刀  
作蕃杵黃字上恭字頭也小人恭字下也後恭為劉牢

之所敗

局縮肉

武帝平吳後江南謠曰局縮肉數橫目中國當敗吳當復橫目者四字自吳亡至元帝興幾四十年元帝懦無斷局縮肉者有所斥也

糜弧箕服

糜弧箕服實亡周宣王時童謠有夫婦賣是器者宣王執而殺之不知其應在褒姒運命論

六八而謀

河洛曰以文命者七九而衰以武興者六八而謀文王九十七而亡武王八十六代紂七九六八言之倒也運

命論

荆筆楊板

初謠曰二月末三月初荆筆楊板行詔書宮中大馬纖作驢是時楊駿專權楚王用事言二人不誅則君臣禮悖故曰幾作驢也

上桑打椹

荀晞將破沒桑童謠曰元超兄弟大落度上桑打椹為苟作由是越惡晞奪其兗州隙難遂構

豆田中

愍帝初謠曰天子何在豆田中後帝降劉曜在城東豆

田壁中

牽流蘇

庾亮初鎮武昌出至石頭百姓於岸上歌曰庾公上武

昌翩翩如飛鳥庾公還楊州白馬牽旒旐又曰庾公初  
上時翩翩如飛鳥庾公還楊州白馬牽流蘇後連徵不  
入及薨於鎮以喪還都葬皆如謠言

白門廉

升平末俗間忽作廉歌有扈謙者聞之曰廉者臨也歌  
云白門廉宮庭廉內外悉臨國家其大諱乎少時而穆  
帝宴駕

不滿斗

哀帝隆和初童謡曰升平不滿斗隆和那得久升平五年而穆帝崩不滿斗升平不至十年也

紫遊轆

太和中百姓歌曰青青御路楊白馬紫遊轆

魚羊田斗

苻堅初童謡曰魚羊田斗當滅秦識者以為魚羊鮮也  
田斗卑也堅自號秦言滅之者鮮卑也其群臣諫堅令  
盡誅鮮卑堅不從及淮南敗還初為慕容冲所攻又為

姚萇所殺身死國滅

耕御路

太和末童謠云犁牛耕御路白門種小麥及海西公被廢百姓耕其門以種小麥遂如謠言

今成龍子

海西公初生皇子百姓歌云鳳凰生一雛天下莫不喜本言是馬駒今定成龍子其歌甚美其旨甚微海西公不男使左右向龍與內侍接生子以為己子

拉颯栖

孝武帝太元末京口謠曰黃雌雞莫作雄父啼一旦去毛衣衣被拉颯栖尋而王恭起兵誅王國寶旋為劉牢之所敗故言拉颯

三公鋤

孫休永安二年將守質子群聚嬉戲有異小兒忽來言曰三公鋤司馬如又曰我非人熒惑星也言畢上昇仰視若曳一匹練有頃沒于寶曰後四年而蜀亡六年而

魏廢二十一年而吳平於是九服歸晉魏與吳蜀並戰國三公鋤司馬如之謂也

鼓嚙胡

桓帝初謠曰小麥青青大麥枯誰其穫者婦與姑丈夫何在西擊胡吏買馬君具車請為諸君鼓嚙胡是時羣叛征役作鼓嚙胡者不敢正言私咽語也

金版

金版出地告龍逢之怨論語陰嬉讖曰庚子之旦金版

刻書出地庭中曰臣族虐王禽龍逢同姓

任彥升版

玉馬駿奔

玉馬駿奔表微子之去論語比考讞曰殷感姐已玉馬

走

任彥升版

啄皇孫

漢成帝時謠曰鶯鶯尾涎涎飛鶯來啄皇孫皇孫死鶯  
啄矢涎涎光澤貌後趙飛燕害皇子應之也

肥去肉

裴晉公討吳元濟至境上發地得石刻有雞去肥酒未熟之語解之曰雞去肥無肉也肥去肉為己酒未熟無水也酒去水為酉破賊之期其在己酉乎後果以是日

入城  
宣室志

皇太后門

東朝

惠帝為東朝長樂宮注明太后於長樂宮

菰廬

東晉安帝庶母李太后崩於西堂設菰廬

后妃門宮女附

女中王

魏文帝郭皇后少而父奇之曰此吾女中王也遂以女

王為字

元妃

元妃嫡夫人也晉獻升戎女為元妃

王明君

王明君者本為王昭君以觸晉文帝諱改之

西京七族

西京七族皆后黨呂寶衛上官霍許王

庾亮表

東京六姓

東京六姓亦后黨鄧馬竇閻梁何是為六姓

庾亮表

夜明苔

晉太始中外國獻金苔宮人有幸者賜之照耀滿室名

曰夜明苔

坤極

漢書有司奏請立長秋宮以梁貴人宜配天祚正位坤極帝從之

瑤齋

張華晉武皇后哀策云瑤齋元主長去蒸嘗

脂澤田

晉氏要事安帝九年右丞張項元議琅邪及湖熟界有皇后脂澤田四十頃請以借貧人

萬年春

唐高宗太子納妃詩云方期六合泰共享萬年春

萬年蛤

真臘夷獻萬年蛤不夜珠光彩皆若月照人亡妍醜絕美艷帝以蛤賜趙后珠賜婕妤

不夜珠

見上並出趙后外傳

沉香浴壺

趙后報婕妤以雲錦五成帳沉水香浴壺

趙后外傳

淑肩沙麓

淑肩沙麓德駕河洲皆皇后事

椒塗

淪羨椒塗掩華蘭掖皇后薨

椒闔

椒闔后宮也

溫柔鄉

帝謂合德為溫柔鄉曰吾老是鄉矣不能效武帝求白

雲鄉也

趙后外傳

配德

配德早終長秋虛位

益八字

宋文帝袁皇后薨詔永嘉太守顏延之為哀策文甚麗  
及奏上自益撫存悼亡感今懷昔八字以致意焉

羊車

宋文帝好乘羊車經諸房潘淑妃密令左右以鹹水灑

地帝每至戶羊輒舐地不去帝曰羊乃為汝徘徊況於人乎

翬珩褕組

翬珩照品褕組在飾

江淹慶皇后正位章

飛燕

趙后飛燕名宣主纖便輕細舉止翩然人謂之飛燕

趙

后外傳

肌滑

趙飛燕妹昭儀名合德肌滑出浴不濡姊弟皆出世色也

淖夫人

帝召合德宣帝時披香博士淖方成白髮教授宮中號淖夫人在帝後唾曰此禍水也滅火必矣

唾裏

后與昭儀坐誤唾昭儀裏昭儀曰姊唾染人紺裏正似石上華故令尚方為之未必能如此衣之以為石華

擁背

昭儀泣拜曰姊忘共被夜長苦寒不成寐使合德擁姊  
背耶

上並趙后外傳

落妃池

楊貴妃生於蜀嘗誤墜池中後又呼為落妃池池在蜀

州導江縣前

楊妃外傳

得寶子

上得貴妃喜甚謂宮人曰朕得楊氏女如得至寶也乃

製曲曰得寶子又曰得鞶子方孔反

五麓之車

五麓之車即沙麓也元后所生之地

謝元暉哀策文

玉衣

魏志注甄后少時家中嬖嬖見有人持玉衣覆其上常  
共恠之

求故劍

漢宣帝詔求微時故劍於是大臣請許婕妤為后

謝元

憐哀策文

賜衣撫鏡

慕方纏於賜衣哀日隆於撫鏡注東觀漢記云上賜東平王蒼書曰今以光烈皇后假結帛巾各一衣一篋遺王可時視瞻以慰凱風寒泉之思西京雜記云漢宣帝被係時猶有史良娣毒國鏡一枚及即位每持此鏡感咽移辰謝玄暉哀策文

琵琶弟子

見琵琶門

玉環

楊妃小字玉環

樓東賦

見賦門

軫粟

飛燕善行氣術微時通隣羽林射鷁兒雪夜露立閑息  
順氣體溫舒亡軫粟射鷁者異之以為神仙飛燕外傳

榴房多子

北齊安德王新納妃母宋氏薦二石榴于帝前帝莫知

其意魏叔曰石榴房中多子欲子孫衆多也

金銀環

毛詩注后妃羣妾以禮御于君所女史書其日月御者以環授之以進退之生子月辰則以金環退之當御者以銀環進之著於右手既御著於左手

中大人

後漢鄧后臨制時宦夫出入多能有所毀譽其中者宿皆稱中大人

續命

北齊後主馮淑妃名小憐穆后愛衰以五月五日進之號曰續命

武媚

則天太宗朝為才人帝賜號武媚

月中聚雪

蜀先主置甘后於白綃帳中望之如月中聚雪時河南獻玉人長三尺夕則擁后而玩玉人嬖寵者非唯嫉甘

后亦妬玉人也

太主

樂大傳云自太主將相以下皆為獻之徐廣曰武帝之姑竇太后女也

璿宮

后宮曰璿宮

拾遺記

椒風

哀帝時董賢女弟為昭儀所居殿名椒風

三輔黃圖

女相如

煬帝以合歡水果賜吳絳仙以紅牋小簡進詩謝帝曰  
絳仙才調女相如也

南部煙花記

來夢兒

隋煬帝沉湎失度每睡須搖動勞頓方就一睡侍兒韓  
俊兒尤得意每就枕必令振聳支節常得美睡乃呼為

來夢兒

南部煙花記

梅妃

梅妃姓江氏名采蘋高力士使閩粵還歸侍明皇性喜  
梅所居植梅上榜曰梅亭梅開賦賞花下夜分不去以  
其好戲名曰梅妃

鑄金人

北史后妃傳序魏故事皇后將立必令手鑄金人以成  
者為吉否則不得立也

曾沙

謝玄暉齊敬皇后策文曰曾沙膚慶注春秋時沙麓山

崩晉史占之曰後六百四十五年宜有聖女興漢元后  
之宅正居其地年數後與之相符曾高也

芝童桂女

捧藥芝童下焚香桂女流

崔溫應制詩

眉缺

鮮家婦生一女姿色殊異後入宮上問曰何以眉缺對  
曰寶劍寧無缺明珠尚有瑕命之曰鮮明珠

練行尼

孝文廢皇后馮氏真謹有節操遂號練行尼

然馬屎

鄭太妃微時為神武然馬屎作靴鄭神武妃也

八妾

御廩夫人八妾所舂米之藏以奉宗廟者也顏師古曰  
諸侯一娶九女正嫡一人餘皆妾也

昭儀

元帝傳婕妤更號曰昭儀在婕妤上昭其儀尊之也

對食

官婢道房與中宮史曹宮對食應劭云宮人自相為夫婦名對食甚相妬忌也

顓房燕

霍后立上亦寵之顓房燕

婕妤姪娥

武帝制婕妤姪娥俗華充依各有爵位婕妤音接予姪

五經反俗音容

鈎弋子

拳夫人趙婉好居鈎弋宮生昭帝號鈎弋子

擘擘

上所以擘擘顧我者乃以平生容貌也音力全反又讀曰戀

彤史

彤史二人正六品唐制

四妃

帝譽有四妃以象后妃四星其一明者為正妃餘三小者為次妃

三妃

舜不告而娶不立正妃但三妃而已謂之夫人

十家

津陽門詩云十家三國爭光輝內人得幸者謂之十家

月華月光

劉聰納靳準二女為左右貴嬪大曰月光小曰月華皆

絶色也

海棠睡

太真外傳上皇登沉香亭詔妃子時卯酒未醒命侍兒扶掖而至妃子醉韻殘粧鬢亂釵橫不能再拜上皇笑曰是豈妃子醉直海棠睡未足耳

乘茵步輦

乘茵步輦惟所息宴西都賦注漢舊儀皇后婕妤乘輦皆以四人輿以行

愛所丁

盛衰無常惟愛所丁丁當也言後宮所寵也

西京賦

充下陳

飾後宮充下陳陳列也墨子曰有二女願得入身於下

陳也

李斯書

密坐

前日雖因常調得為密坐曹大家欹器論曰侍君王之

密坐

曹子建書

正位宮闈

正位宮闈同體天王言皇后也 范蔚宗皇后紀論

述宣陰化

述宣陰化修成內則后妃事

范蔚宗皇后紀論

掖庭三千

自武元之後世增淫費至乃掖庭三千增級十四謂漢武帝元帝也 范蔚宗皇后紀論

臨朝六后

東京權歸女主臨朝者六后謂鄧太后閻太后竇太后

章德竇太后梁太后何太后

同上

定策帷帀

定策帷帀委事父兄貪孩童以久其政抑明賢以專其威言女主擅朝也

宮卿

宮卿大長秋也

范蔚宗官者論

花藥夫人

費氏蜀之青城人以才色入蜀宮後主嬖之號花藥夫  
人效王建宮詞百首許彥周詩話

女史箴

張華懼后妃之盛作女史箴

望月方娥

望月方娥瞻星比婺謝希逸詩

姒幄

翼訓姒幙贊軌堦門同上

聯跗齊頴

聯跗齊頴接萼均芳

上

世覆冲華

世覆冲華國虛淵全言妃亡如此

同上

率禮蹈和

率禮蹈和稱詩納順

顏延年哀策文

壺政

壺政穆宣房樂韶理

同上

房樂

儀禮有房中樂后夫人諷誦以事君子

同上

野狐落

雜記宋次道為西都詩以野狐落對五鳳樓言野狐落唐人名宮中所聚也

親蠶門

棘牆

天子諸侯必有公桑蚕室築宮側有三尺棘牆而外閉

之

桑三條

北齊皇后躬桑三條鞠衣者採五條展衣綠衣九條以

授蚕母

三娥

後周皇后率六宮三妃二娥祭奠先蠶西陵氏神娥音

弋婦官名

勞酒

開元皇后親桑還宮之明日內外命婦設會於正殿如

元會義曰勞酒

繭館

宮闈疏云蚕所曰繭館

三輔黃圖

儲嗣門

玉裕

陸機侍皇太子宣猷堂詩曰茂德川冲天姿玉裕

雙龍符

六典傳符之制太子監國曰雙龍之符左右各十左者進內右者付外

顛童

南齊文惠太子立樓館於童山下號曰東田東田反語為顛童文惠竟薨焉

東儲

正位東儲出南齊文惠太子傳

鶴鳴戰

晉東宮舊事曰崇福門鷄鳴戟十張

少海

天子比大海太子比少海

銀榜碧鏤

東明山有宮焉青石為牆四面銀榜碧鏤題曰天地長

男宮神異經

十縣

漢書舊制太子食湯沐十縣

堯母門

武帝趙婕妤生皇子弗陵任身十四月上曰昔堯亦十四月而生命所生門曰堯母門

思子宫

武帝憐戾太子無幸死乃作思子宫為歸來望思之臺於湖太子死於湖

委裘

賈誼云朝委裘而天下不亂言子幼未能視朝但朝衣

裹而已

固辭終辭

皇太子親迎禮至於階主人曰請皇太子升曰某敢辭  
曰固請曰某敢固辭曰終請曰某敢終辭某也辭不得  
命敢不從某也既前受命唯命是聽

海重潤

漢明帝為太子時樂人作歌四章贊德曰日重光星重  
輝海重潤月重輪

崔豹古今注

鶴禁

宮闈疏曰白鶴太子所居故曰鶴禁

三輔黃圖

是勿兒

明皇問黃幡綽是勿兒人得人憐對以自家兒可憐時  
楊妃以祿山為子肅宗在東宮甚危是勿猶是何也

玉契

唐崔神慶言太子用玉契

儀宸經

文選顏延年詩美太子德曰儀宸作貳注儀宸極而作副貳也

明兩承乾

明兩承乾元良作貳謝莊賀太子冠表

天下本

叔孫通曰太子天下本

青殿春宮

皇太子東修東帛一篚五疋酒一壺二鉢修一束牋

郇肩

郇肩錫羨言成帝憂無嗣續故修泰畤祀后土也

妙善居質

文達儲后睿折在躬妙善居質

東朝

君彼東朝金昭玉粹東朝太子朝也顏延年詩

元良

元良乘上德率土被中孚徐陵詩

繼天接聖

言太子繼天子位接其靈聖也

顏延年詩序

上嗣

周朝推上嗣漢代慙重明

劉孝威詩

守器

立儲樹嫡守器承祧

梁武帝詔

毓德

正體毓德於少陽太子也

顏延年詩序

蘭儀

誕發蘭儀光啟玉度

謝希逸詩

元子

親居元子屬當儲貳

王褒請立太子表

燔翳捐褶

崔琰諫魏太子獵云唯世子燔翳捐褶以塞衆望世子報曰昨奉嘉命惠示雅教翳已壞矣褶亦去焉

公主門

諸王女附

公主

崔浩議天子尊令諸公代主婚焉故曰公主諸王卑自  
主婚故曰翁主

盛姬

盛姬之子也天子賜之上姬之長是曰盛姬乃為之臺  
是曰重璧之臺盛同姓也

重璧臺

見上

滿月盆

除夜子星迴天孫滿月益安樂公主滿月侍宴

沈佺期

壽陽粧

宋書武帝女壽陽公主人日卧于含章簷下梅花落公  
主額上成五出之花拂之不去自後有梅花粧

脂粉磑

昇平公主有脂粉磑兩輪

沁水園

竇憲奪沁水公主田園

千金公主

宣帝以趙王招女為千金公主嫁突厥

親為挽歌

常誕尚公主及死魏帝親作挽歌詞

縣公主

漢制皇女皆封縣公主其尊崇者加號長公主

面首左右

宋廢帝為山陰公主立面首左右三十人

為子求郎

後漢館陶公主為子求郎明帝不許而賜錢千萬

駙馬門

駙馬

魯恭子撫為郎中駙馬從駕注說文曰副馬也非主所乘

承翁主

娶天子女曰尚公主娶諸侯女曰承翁主尚承皆卑下

之名 王吉傳

尚公主

尚公主注尚猶配也易得尚于中行王弼亦以為配也  
或言如尚食之尚誤矣

宗室門

宗室遺老

劉向曰吾為宗室遺老

磐石之宗

高帝封王子弟地犬牙相制此所謂磐石之宗也

宗傑

後魏史論文宣貞固俊逸鬱為宗傑

宗老

梁蕭琛為侍中武帝呼為宗老

間平文雅

北齊史論曰北齊諸子雖文雅之道有謝間平

十王宅

玄宗諸子同為大宅分院居為十王宅又於十宅外置

百孫院

百孫院

見上

沛王傳易

沛王傳易楚王好詩猶且傳之不朽以為盛事湘東

召學生教

玉林皆寶

慕容超傳天族多竒玉林皆寶

分枝若木

分枝若木疏派无潢

過百萬

宗室德嘗持老子知足之計家產過百萬則以振昆弟

賓客飲食曰富民之怨也

劉德

託肺附

臣幸得託肺附劉向自言如肝肺相附着也一說謂研

木之肺札也自言於帝室猶肺札附於大林木

劉向傳

屬為諸父

武帝方好藝文以安屬為諸父辯博善為文辭甚尊重之每為報書及賜常召司馬相如等視草乃遣注安於天子服屬為從父叔父 淮南王安傳

暇豫王孫

暇豫王孫游閒公子

馬季良笛賦

稟潤天潢

稟潤天潢承輝日觀

崔廓答豫章王啟

糾宗綏族

糾宗綏族注糾合綏安也

南都賦

劉宗

劉宗下輦而自王備漢後故曰宗

吳都賦

為善最樂

後漢詔東平王蒼曰處家何等最樂王言為善最樂

族茂麟趾

族茂麟趾宗固磐石

顏延年詩序

枝葉碩茂

枝葉碩茂本根賴之六代論

枝幹相持

至於王叔降為庶人猶枝幹相持得居虛位

芟刈股肱

芟刈股肱猶任胷腹

首尾為用

枝葉相扶首尾為用言封宗姓

非體之尾

末大必折尾大難掉尾同於體猶或不從况乎非體之尾其可掉哉上並六代論

百足之蟲

百足之蟲至死不僵扶之者衆也淮南子六代論

親王門

跗萼之親

跗萼之親親王傳贊

二三尺衣見衣服門

小舉手

長沙定王發景帝之子諸王來朝有詔更前稱毒歌舞定王但張襖小舉手左右笑其拙上恠問之對曰國小地狹不足回旋帝乃以武陵零陵桂陽益焉

定著

高祖制詔御史長沙王忠其著令注以芮至忠故著令使特王也

殿第下

境内稱諸王曰殿下公侯封郡縣者境内稱之曰第下

戚里門

天子取婦

宣帝為張放取皇后弟平恩侯許嘉女上為放供帳賜甲第充以乘輿服飾號為天子取婦皇后嫁女

渭陽里

魏明帝追念舅氏名其里曰渭陽里

戚藩

晉史贊曰惠懷不競戚藩力爭

凶德參會

寶嬰不知時變灌夫亡術而不遜田蚡負貴而驕溢凶  
德參會待時而發注三人相遇故曰參會

令月吉辰

納后受制書荅文曰皇帝嘉命使者某重宣中詔令月  
吉辰備禮以迎螻蟻之族猥承大禮憂懼戰悸欽承舊

章肅奉典制某官臣姓某稽首頓首再拜承詔制

螻蟻之族見上

仕因紈袴

前代外戚仕因紈袴

升遐門

綴衣辰

實不忍自固於綴衣之辰拒遙於玉几之側注云王將崩之時命執衣于庭而王憑玉几此言受顧命之時任

彥升表

大行

漢書韋昭注云大行者不反之辭也天子崩未有謚號故稱大行

軒鵠將成

軒鵠將成禹書就掩言帝夢

厭代

厭代莊子言千歲厭世去而上仙言厭棄人世而往也

唐以太宗偏諱多為代

昆臺

黃帝厭世於昆臺乃禹湖極峻處也拾遺記

穀林夢

呂氏春秋堯舜夢於穀林

雲駕

先朝雲駕日遠虞祔已深沈佺期

雲蹕

雲蹕上仙

沈佺期表

蜃綺龍峩

江總陳宣帝哀策文望蜃綺而攀標拜龍峩而慟絕

玉床弗豫

金英掩色玉床弗豫

祖鬯

哭仍几之將徹慟祖鬯之虛斟

蜃輶

攀蜃輶雨泣

哀策文

阜路啟扉

阜路啟扉輶散弛殯

同上

星暗虛中

星暗虛中氣裡日下哀策文

六絢

六絢已散九旗方卷哀策文

大諱

孝文崩於行宮秘匿而還至魯陽郡始發大諱

若無天地

李彪表云孝文皇帝奄焉崩殂凡百黎氓若無天地

宮車晚駕

祖挺謂和士開曰宮車一日晚駕君欲何以克終

降輿客位

降輿客位撤奠賓階

顏延年宋元皇后哀策文

灑零雨泗

顏延年哀策文噭噭儲嗣哀哀列辟灑零玉墀雨泗丹

掖

往駕弗援

往駕弗援謂不可攀援也 謝元暉哀策文

筵卷六衣

筵卷六衣俎徹三獻 謝玄暉齊景皇后哀策文

蜃衛

懷蜃衛而延首相、鷺輶而撫心蜃車也、周禮安車駁面

鷺總 謝元暉策文

左言

旋詔左言光敷聖善謂左史記言也

見上

靖寐

違率土以靖寐戢彌天於一棺

戢一棺

見上

委裘

魏畧云先帝委裘下席孫權欲因大喪寡弱王室謂操

薨

山陵門

一杯

張釋之傳言盜長陵一杯土音蒲侯反

玉枕

沈炯祭漢武陵云甲帳珠簾一朝零落茂陵玉枕遂出人間

栢城

諸王公主陪葬柏城注植柏于塋域

雜器

天子祭陵右校令具雜器以備汎掃注以剗草也汎音  
迅灑地也

神路幽嚴

皇塗昭列神路幽嚴

顏延年哀策文

雞毬雷車

以寒食薦餚粥鷄毬雷車於諸陵諸陵戲物也

發引

發引音脩引棺索也

蜃車

輶者載棺之具如床一轍前後出有輪而無輻以人挽之附地而行似蜃故亦曰蜃車

玉杯

帝葬後茂陵持玉杯貨于市吏捕之忽不見而得其杯乃隨葬者霍光問持盃人狀吏言之頗類帝漢武故事

龍輶

龍輶勅倫反天子之殯也蓋塗龍輶以梓注蓋木以周龍輶如梓而塗之天子殯以輶車畫轂為龍

為椑

君即位而為椑歲一漆之椑謂地棺親尸者歲一漆之若未成然蒲歷房益二反

青嵩道

西葬青嵩道千秋豈復晨

仁宗挽詞

月出游

高帝寢衣冠月出游高廟後為原廟渭北衣冠月出游之注謂從高帝陵寢出衣冠游于高廟每月一為之漢制如此

瘞錢

盜發孝文園瘞錢注埋錢於園林以送死也

壽原

文選皇后哀策曰夷體壽原謂陵也

大隧

大隧長啟乃徂玄宮哀策文

象為之耕

傳曰舜葬蒼梧象為之耕

史記本紀注

羣鳥耘田

禹葬會稽山今山上有禹塚并祠下有羣鳥芸田帝王  
世紀

赤車

王朗云西京太常行陵赤車千乘

梓廬

遠近親軌奔赴梓廬猶言梓宮也

北史

地市

堯葬穀林農不易畝舜葬蒼梧市不改肆秦始皇作為

地市下鉅三泉

神阜福壤

遂得神阜福壤營建山陵

秩長陵令

秩長陵令二千石注高祖陵尊之故增其令秩

卜年二千

獻皇后崩隋文帝令蕭吉卜擇葬所吉至一處具圖上之曰卜年二千卜世二百後謂人曰吾前紿曰卜年二千者是三十字也卜世二百者取世二運也

銅南山

使其中有可欲雖銅南山猶有隙言厚葬也張釋之

龍攢

龍攢將啟蜃輶將駕帝王葬也

園縣

園縣極方望園陵之邑也

山庭寢日

山庭寢日隧路抽陰

顏延年哀策文

龍軛

龍軛纏綺容翟結驂輶音臣恭反凶飾也容翟吉制也

纏音離同上

祖饋

祖饋皇帝親臨祖饋躬瞻霄載白虎通曰始載於庭輶車辭祖禡也

霄載見上

黼筵

悲黼筵之移御痛翬褕之重晦並同上

壽陵壽原

景帝作壽陵起邑漢書音義天子未死曰壽原

葬附禹

陋蒼梧之下從蓮附禹以同壤山海經大荒之中附禹  
之山帝顓頊與九嫔葬焉

帝王諱門

代宗

代宗唐諱世故曰代

晉陵

毗陵因晉元帝諱改曰章陵

野雞

野鷄雉也漢避呂后諱

茂才

舊言秀才避光武諱改稱茂才

海錄碑事卷十下